



KAZ MINERALS PLC
6TH FLOOR
CARDINAL PLACE
100 VICTORIA STREET
LONDON SW1E 5JL
Tel: +44 (0) 20 7901 7800

2015 жылғы 21 мамыр

KAZ MINERALS СЕМЕЙ ҚАЛАСЫНДАҒЫ ГЕМАТОЛОГИЯ ОРТАЛЫҒЫНЫҢ ҚҰРЫЛЫСЫНА ДЕМЕУШІЛІК ЖАСАЙДЫ

KAZ Minerals Тобы Шығыс Қазақстан облысының Семей қаласындағы Республикалық гематология орталығының құрылысына 1,2 млрд теңге бөледі.

Демеушілік көмек көрсету туралы меморандумға Шығыс Қазақстан облысының әкімі Даниал Ахметов пен KAZ Minerals Тобының Басқарма төрағасы Олег Новачук қол қойды.

Аталған орталық қан жүйесі ауруларына диагностика жасауда және емдеуде (оның ішінде сүйек кемігі трансплантациялау) жоғары технологиялы әдістерді қолдану арқылы халыққа қол жетімді әрі сапалы қызмет көрсетуге мүмкіндік береді.

Жоспар бойынша бұл Орталық еліміздегі онкогематологиялық профиль, гемостаздың бұзылуы, анемия және т.б. ауруларға шалдыққан қан және лимфо жүйе дерттері бар науқастарға медициналық көмек көрсететін бірегей клиникалық кешен болмақ.

Жобада орталықтың аумағында балаларға ата-аналарымен бірге орналасуға мүмкіндік беретін пансионат қарастырылған. Орталықтың жанында химия терапияның ауыр курстарынан өткен және сүйек кемігі трансплантацияланған науқастарға қызмет көрсететін оңалту орталығы жұмыс істейтін болады.

Соңғы 5 жылда компания Шығыс Қазақстандағы түрлі әлеуметтік нысандардың құрылысы мен жөндеу жұмыстарына 5,4 млрд теңгеден астам қаражат бөлді. Топтың қаржыландыруы арқасында Өскемен қаласындағы «Восток» стадионы, Семей қаласындағы «Спартак» стадионы жөнделіп, Жезкент кентіндегі Мәдениет үйі күрделі жөндеуден өтті, облыс орталығында екі хоккей модулі, Жекпе-жек сарайы, Спорттағы дарынды балаларға арналған мектеп-интернат, Мемлекеттік нысандар кешені, Аягөз ауданының Ақтоғай кентінде мектепке қосымша ғимарат салынды. Сонымен қатар, Шығыс Қазақстан облыстық ауруханасы ортопедиялық және травматологиялық операцияларға арналған жабдықтармен қамтамасыз етілді.

Қосымша ақпарат алу үшін келесі телефондар бойынша хабарласуға болады:

KAZ Minerals PLC

Мақсұт Жапабаев	Корпоративтік байланыстар департаментінің басшысы, Алматы қаласы	Тел: +7 727 2440353
Ермек Дюзкенов	Корпоративтік байланыстар департаментінің ШҚО бойынша менеджері	Тел: +7 7232 593559 +7 701 421 04 18

РЕДАКТОРЛАРҒА АРНАЛҒАН ЕСКЕРТПЕЛЕР

KAZ Minerals – Қазақстанда заманауи, азшығынды тау-кен өндірісін дамытуға бағытталған өсу әлеуеті зор мыс өндіруші компания. Компания - Қазақстандағы жетекші мыс өндірушілердің бірі. Компанияның қолданыстағы 5 кеніші мен 4 кен байыту фабрикасы бар. 2014 жылы 84 мың тонна катодты мыс өндірілді.

Сондай-ақ, KAZ Minerals ілеспе өнім ретінде мырыш, күміс пен алтынның ауқымды көлемін өндіреді. 2014 жылы 121 мың тонна концентраттағы мырыш, 3,4 млн. унция күміс пен 35 мың унция алтын өндірілді.

Топ екі негізгі өркендеу жобасын – Бозшакөл мен Ақтоғай жобаларын жүзеге асыруда. Үшінші жоба – Көксай жобасының тұжырымдамасы дайындалуда. Аталмыш өркендеу жобалары осы саладағы ең қарқынды даму көрсеткіштерін қамтамасыз етіп, KAZ Minerals-ты қорының басым бөлігі әлемдік деңгейдегі ашық түрдегі кеніштерден тұратын компанияға айналдырмақ.

KAZ Minerals PLC компаниясының құнды қағаздары Лондон, Гонконг пен Қазақстан қор биржаларында айналымда. Топта шамамен 10 000 адам жұмыс істейді, басым бөлігі Қазақстан азаматтары.